

# FOR DI 4:00 PM: ROTONDE DI PARADERA LO TA BAO RITMO DI DANDE

29 December, 2024, 1:44 pm



Ya cuminsando for di 4:00 pm, lo bay tin ambiente di dande den e barrio di Paradera. Luigi Rasmijn, un di e motornan tras di e actividad "Paradera, ata un dande pabo", a indica cu nan ta celebrando di 5 aniversario cu ta pone ambiente di dande, hunto cu musica tipico, cultural y ta hacie cu un gran amor p'e pueblo di Paradera y vecindario.

Awe, ta cuminsa pa 4:00 pm. Lo bay tin caha di orgel, lo bay tin grupo di tambu, lo tin grupo cultural. E caha di orgel lo bay tin "Nos Herencia", "El diamante", e grupo di tambu ta "Sodo y Cuero" y tambe riba steelpan Joe Hiroms, tocando Dande. Fuera di esey lo tin Alma Folklorico cu Robert Maduro, pa bin toca Dande y demas cancion y tambe lo tin coro di mucha Hesus y Maria p'asina duna nan presentacion musical.

E actividad aki lo ta te cu 9:00 pm, invitando asina e pueblo content pa bin canta y toca Dande. Aunke bo no ta den agrupacion pero bo stima bo dande, bin n'e rotonde di Paradeera.

Despues di esaki manera cu e actividad caba, lo bay duna aporte n'e festival di Dande, ya cu mayoria di e tocadonan ta toca den e festival cu lo tuma luga den Club Caiquetio.

Tur hende ta mas cu bonbini n'e rotonde di Paradera. E gruponan tey y bo kier canta, bin. Tin musica. Tin musico pa compaña, duna bo aporte n'e herencia cultural aki.

Rasmijn ta gradici tur sponsor cu ta haci e evento aki posibel. Tin di remarca cu esaki no ta un recaudacion di fondo. Esaki ta specialmente p'e Dande. Stichting Arugaldo ta organisa e actividad aki hunto cu UNOCA, CCDN (Comision Cultural Dianan Nacional), My Truck Septics, My Containers, LCR cu ta duna su sosten cu un wiri masha grandi mes. Bo tin hasta chens di gana un wiri, cu bo presencia den e actividad aki, p'asina bo core bo Dande.

Tambe nan ta conta cu sosten di Power Generator, p'e generatornan. Tin Andara Construction All Contractor, LP Consultant, Balashi tambe t'ey. Swingmasters tey pa duna sosten y esun cu ta pone sonido ta Sound-a-holic, cu ta pone e musica bati n'e rotonde di Paradera.

Asina ta, un y tur ta invita pa bim n'e rotonde di Paradera y despues di esey, ta bay Festival di Dande, pasobra "Nos Stima nos Dande", Luigi Rasmijn a bisa por ultimo.

